



LA TSOUDÊRE DOU PATÊ

Po dèvejâ le patê,
vô mi le prononhyi adrê !

Adon
i fô betâ
din la tsoudêre...

di mo
avoui lou chon,
avoui lou kolà





L'è kemin
a l'ôthô
kan no volin medji.

I fô di kurtiyâdzo,
dè l'ivouè, de la chô,
de la tsê
è di j'èchàdè.



Po le patê,
i fô di mo
ke chèn fon
avu di lètrè

ke chèn prononhyon
di kou dinche,
di kou ôtramin.



Apri, le patê pou
chè dèvejâ

chè fére a konprindre
è rèdzoyi le kà
dè ti hou ke l'intindon.



Li a trè chon po la lètra A-a

A – a : la dona, la tsata, la rata, bouna, poura, kontinta

À – à : l'anà, le chèlà, le krà, pourà, dzoyà, dzanlyà

Â – â : le chudâ, l'âno, le demâ, amâ, dèvejâ, pyakâ

Le demâ, la dona irè pâ tru kontinta, pêrmo ke lè ratè l'avan medji tota la farna ke l'avê inkotcha po le kunyu.

La tsata l'avê rin yu, irè-the pouràja chti kou ?



Li a katro chon po la lètra E-e

E – e : la demindze, la lena, la louye, le tsemin, la cherije, viye

É – é : le dzé, deché delé, fére, la pé, le pouné, le lujé, galé

È – è : le moujè, le dyètsè, le bounè, la bèna, lè bithè, le tsalè

Ê – ê : le Fribordzê, le tsê, le frê, la chê, dèrê, krêre

La lena hyirivè la louye de la viye méjon. La demindze, le Fribordzê chèn promenâvè deché delé din la kanpanye. Chu le tsemin l'a yu di moujè dèrê le tsalè. I fajê tan frê ke l'a pâ pu krêre a chin ke vèyê.



Li a dou chon po la lètra l-i

l – i : rire, le kurti, le dzordi, tsèrtchi, le boutchi, le bolondji

Î – î : îthre, la Grevîre, chanyî, le hyî, hyirî

*La lèna **hyirîvè** la louye de la **viye** méjon, le **hyî** irè hyâ.*

*La demindze **dumidzoua**, din la **Grevîre** prà dè dzin ché
promenâvan deché delé din la kanpanye è din la montanye.*

*Kan Djan l'a yu chon **bi** tsalè, chon kà l'a **chanyi**.*



Li a dou chon po la lètra O-o

O – o : le dzouyo, le damâdzo, krouyo, le mèchâdzo

Ô – ô : le tsôtin, le travô, kôkon, le fôri, le ryô, le redyô, yô

*Tyin dzouyo, l'orâdzo dè yêr'ané, l'a pâ fê di krouyo damâdzo din nouthra méjon. Dinche, to le **mondo** l'a pu kontinuâ dè fère chon **travô**. On **yâdzo**, kan lè **j'orâdzo** iran **grô**, lè dzin l'avan pouêre dè vêre hyanbâ **totè** lou pênè ke cheran pye tyè di hyindrè a kouja dou fu dou tin.*



Li a dou chon po la lètra U-u

U – u : le dju, le kunyu, pèrdu, le Bon Dyu

! U-u ≠ OU - ou

*Lè trè **bouébelè** ché dèmorâvan pri **dou** ryô. I fajan di piti **mu avu** di pèrè. Chovin i tsantâvan ou bin dzuyivan de la mujika. Tyin **bouneu** d'îthre pri l'ivouè è dèjo on bi chèlà.*

*Kan le chèlà ché **muchivè** è ke l'orâdzo ch'inkotsè, i rintrâvan **vuto** a la méjon. Kontin dè lou **dumidzoua**, i medjivan ora on bon **kunyu** ke la dona l'avê fê po cha galèja binda.*